

ДЕМЕУШІЛЕРГЕ АЛҒЫС АЙТАМЫЗ



С.Сейфуллин атындағы №5 көпсалалы мектеп – лицейінің директоры ИСКАКОВА Орынбасар Сеитовна Елбасымыз жариялаған «Болашаққа бағдар: Рухани жаңғыру» бағдарламасы және тәуелсіздіктің 30 жылдық мерейтойына орай «Мектеп тарихы» атты ұлттық мұражай ашу туралы игі бастама көтерген еді. Мұражай ашудағы мақсат- аға ұрпақ ұстаздардың еңбек жолын, өнегелі істерін келешек ұрпаққа үлгі ету, сол арқылы олардың

елжандылық, патриоттық сезімдерін дамыту. Осы игі бастамаға қолдау танытып, демеушілік көмек көрсеткен Степногорск «Энергокомплекс» басшысы және облыстық мәслихат депутаты Каршегенов Алтынбек Тлеугалиевич мырзаға және «Дәрігер плюс» емхана басшысы және облыстық мәслихат депутаты Наурызбаева Бағлан Назымбековна ханымға №5 көпсалалы мектеп-лицейі ұжымы мен ата-аналар комитеті атынан зор алғысымызды айтамыз. Осындай жаны жайсаң жандар мектеп басшысының бір ауыз сөзін қабыл алып және қолдап, қала тарихында тұңғыш ашылған қазақ мектебінің мұражайын ашу туралы жоспарымыздың орындалып, жүзеге асуына мүмкіндік берді. Осы арқылы мектеп өмірінің көркейіп дамуына өзіндік үлес қосқан еңбектеріне алғыс білдіре отырып, демеушілеріміздің ерен еңбегі жемісті болып, ойға алған арман-мақсаттарына жете беруіне тілектеспіз.

Жаңа жыл баршаңызға жаңа бақыт, жаңа қуаныш сыйласын!

С.Сейфуллин атындағы №5 көпсалалы мектеп-лицейінің ұжымы және директоры ИСКАКОВА ОРЫНБАСАР СЕИТОВНА

Хабарландыру

«Glaucanite Kazakhstan» ЖШС (БИН 140540006292. Тел. 87026624010) 2022-2023 жж. Изобильное кен орны Ақмола облысы глауконит қатты пайдалы қазбаларды барлау жоспарына «Қоршаған ортаға әсерді бағалау» жобасы бойынша ашық жиналыс түрінде қоғамдық тыңдаулар өткізу туралы хабарлайды.

Қоғамдық тыңдаудың басталатын орны, күні және уақыты: 2022 жылғы 09 ақпан, сағат 16.00, Степногорск қаласы, Г.А. Изобильное, Республика 31 (онлайн конференция).

Бұл қоғамдық тыңдау Изобильное ауылы ZOOM платформасында бейне-конференц байланыс арқылы онлайн режимінде өтеді.

Шақыру сілтемесі;

<https://us05web.zoom.us/j/82462675786?pwd=Mlk1L2NxRm9CeXRYVpZYTUV6S1E0QT09>

Конференция идентификаторы: 824 6267 5786

Кіру коды: RGKWP2

Экологиялық құжаттаманы әзірлеуші ИП Утегенов С.А. болып табылады. Жоспарланған қызмет туралы қосымша ақпарат алуға болатын электрондық пошта мекенжайы және телефон нөмірі: Aigul-kz79@mail.ru, 8 7026624010.

Жоба бойынша құжаттама электрондық түрде орналастырылған жергілікті атқарушы органның интернет-ресурсының мекенжайы:

<https://www.gov.kz/memleket/entities/aqmola-upr/>

Бірыңғай экологиялық порталға сілтеме: <https://ecoportal.kz>

Ескертулер мен ұсыныстар жазбаша немесе электрондық нысанда қабылданатын электрондық пошта мекенжайы және жергілікті атқарушы органның пошта мекенжайы: «ММ «Ақмола облысының табиғи ресурстар және табиғатты пайдалануды реттеу басқармасы» 020000, Кокшетау қаласы, Абай көшесі 89, e-mail: expreso@mail.ru

Мамандығы – әскери тергеуші

Қазақстан Республикасы Ұлттық ұланы органдары жүйесінде әскери полиция ерекше орын алады. Оның қызметкерлерінің қызметінің негізгі саласы әскери қызметшілердің, азаматтық персоналдың құқықтары мен бостандықтарын қорғау, Қазақстан Республикасының Қарулы Күштерінде, басқа да әскерлері мен әскери құралымдарында заңдылықты, құқықтық тәртіпті, әскери тәртіпті, жол қозғалысы қауіпсіздігін, сондай-ақ өз құзыреті шегінде қылмысқа, сыбайлас жемқорлыққа қарсы күрес және заңмен қорғалатын өзге де құқықтық қатынастарды қорғау.

Әскери тергеуші – қылмыстық істер бойынша тергеу әрекеттерін және тергеуді жүргізуге ресми уәкілеттік берілген адам. Әскери тергеушінің жұмысы жан-жақты және объективті түрде жүргізілуге тиіс. Барлығын анықтау керек: қылмыстың фактісі, уақыты мен орны, қандай жағдайда, қандай жолмен, қандай құралдармен жасалған қылмыс. Ең қиыны – қылмыскерді анықтау, оның қатысы мен уәждерін дәлелдеу.

Тікелей анықтау жұмыстарымен қа-

тар, әскери тергеушілер әскери қызметшілер арасында қылмыстар мен құқық бұзушылықтардың алдын алу бойынша іс-шараларды жүргізумен, барлық санаттағы әскери қызметшілермен құқықтық тақырыптарда лекциялар мен өңгімелер жүргізумен, қолбасшылық жүргізетін тәрбие және құқықтық жұмыстарға қатысады, өз құзыреті шегінде азаматтар мен әскери қызметкерлердің шағымдарын шешеді.

Мамандықта маңызды қасиеттерге айқындық, жүйелілік, жауапкершілік, еңбекқорлық, жақсы есте сақтау, қарым-қатынас дағдылары және табандылық жатады.

3517 әскери бөлімінің әскери полиция қызметінде үш адам бар: әскери полиция қызметінің бастығы, капитан Белгібаев Алмаз Сағатұлы, еңбек өтілі 13 жылдан астам. Жедел уәкіл лейтенант Жанғарашев Қордай Алданұлы, жұмыс өтілі 15 жылдан астам және әскери полиция қызметінің тергеушісі, лейтенант Төлеубаев Жасұлан Төлеубайұлы, жалпы еңбек өтілі 20 жыл.

Өз тілшімізден

ЛАЙЫҚТЫ ЕҢБЕККЕ ЖОҒАРЫ БАҒА



Өндіріс озаттары – "Алтыналмас" компаниясынан 30 және "Қазақалтын ТКМК" АҚ-нан 18 адам салалық наградалармен, ал екі компаниядан 63 адам Құрмет грамоталарымен марапатталды. Төсбелгілер, медальдар мен грамоталар салтанатты түрде өз иелерін тапты.

Қалыптасқан дәстүр бойынша ҚР Тәуелсіздік күніне орай еліміздегі өндіріс озаттары, мұғалімдері, дәрігерлері, мәдениет қайраткерлері және еліміздің дамуына үлес қосқан басқа да тұлғалар марапатталады. Қазақстан Тәуелсіздігі күніне орай мерейтойлық жылы марапатталғандар қатарында Степногорск өңірі тұрғындары арасынан шыққандар да көп болды.

Карантиндік шектеулерге қарамастан, марапаттау рәсімі жайбарақат жағдайда өтті. Салтанатты түрде безендірілген сахна аясындағы озаттар қатарында "Қазақалтын ТКМК" АҚ Бас директоры Рүстем Қаракесов, "Алтыналмас АҚ" АҚ Ақмола облысы бойынша операциялық қызмет жөніндегі вице-президенті Мақсұт Дүйсенбаев, "Кәсіп Қазақалтын" жергілікті кәсіподағының төрағасы Марат Қойшыбаев та табылды.

Бұл күні "Еңбек даңқы" төсбелгісімен 15, "Кенші даңқы" белгісімен 25, "Еңбек ардагері" медалімен 7, ал Құрмет грамоталарымен 63 жерлесіміз марапатталды. Вячеслав Тө "Құрметті кенші" белгісімен атап өтілді. Бұл кеш осы озаттар үшін және солардың құрметіне арнау болды. Аталмыш тұлғалардың көп жылғы еңбегі жайлы сахна төрінен құттықтау-алғыс сөздері айтылып, олардың құрметіне ән шырықалып, кейіпкерлерге гүл шоқтары мен сыйлықтар табысталды.

Бірақ ең бастысы - марапатталғандардың тамаша көңіл-күйі болды. Біреулері өз жолдастарын не әріптестерін әр түрлі бөлімшелерде жұмыс істееп, немесе зейнеткерліктен кейін бірнеше жыл өте көрісіп жатты, екіншілері ақсақалдарға өткен жылдардағы тәлімгерліктері үшін алғыс айтты; барлығы жаңалықтарымен алмасып, олардың отбасылары, басқа да әріптестері туралы сұрасып жатты... Шаттық ықылас, құшақтар, құттықтаулар, қошеметтер, кеншілердің, металлургтердің және осы алтын өндіруші компаниялардың басқа да кәсіп өкілдерінің ең шынайы сезімдері мен эмоциялары осы кешті шынайы мерекелік сезімге толтырды.

Марапатталғандардың бірі Бестөбе

өндірістік алаңы шахтерлерінің еңбек әулетінің мүшесі Марат Қабыкөнұлы Бектұрсынов болды. Әулетті оның әкесі құрған еді, ол монтаждаушы, кейін тау шебері, артынша жер үсті кен шебері болып жұмыс істеген. Марат Қабыкөнұлының өзі алғаш рет шахтада 1964 жылы 15 жасында мектеп экскурсиясы кезінде болған екен. Дәл сол кезде ол өз тағдырын шахтамен байланыстыруды шешті. Әкесі сәулет-құрылыс саласына оқуға түсуді ұсынған еді, алайда шахта бір күні оның жүрегін жаулап алып, жібергісі келмеді. Нәтижесінде ол Щучье тау-кен техникалық техникумын бітіріп, 1970 жылы өз еңбек жолын бастады. Өз ісінде озып, жоғары және жауапты лауазымдарға көтерілді: шахтаның бас инженері, өндіріс шахтасының бастығы, "Глубокая" шахтасының бастығы, кеніштің бас инженері міндеттерін атқарды... Белгілі бір еңбек өтілі мен жасына жетіп, кеңесші, оқыту инженері қызметтерін атқарды. 2012 жылы зейнеткерлікке шығып, лайықты кеншілердің бірнеше ұрпағын тәрбиеледі.

Марат Қабыкөнұлы "Еңбек ардагері" медалін алып, қанағат сезімге бөлінгенін айтты:

- Еңбектеріміз шетте қалмай, ескерілгені қуантады. Біз марапат үшін жұмыс істеген жоқпыз, бұл өмір жұмыс істеуге, білім жетілдіруге, өндірісті дамытуға жетелейді. Мен зейнетке шықсам да, халық есінде екеніме өте қуаныштымын.

Ақсақал Бестөбедегі жағдайға қатысты шағымын да шет қалдырмады:

- Бестөбеде жастар теріс іс бастаған екен, оны естіп қатты қапа болдым. Бестөбе ауылында тұратын, жұмыс істейтін, осы жаман істі бастаған жігіттерге айтқым келетіні: сіздер адасып бара жатырсыздар. Қоғам Бестөбе кенішінің тарихын білуі керек, ауыл мен кенішті бөліп қарауға болмайды. Қазір тоқыраудан, қайта құрудан кейінгі кезеңдегі құлдыраудан және Тәуелсіздіктің қалыптасуынан кейін өрлеу басталады, әрі қарай даму, оқу, болашақ туралы ойлау қажет. Ұжымның үлкен жетістіктерге жетуін дамуын тілеймін, ол үшін барлық жағдай мен мүмкіндіктер бар. Ал жастарға өткенді зерделей отырып, тау-кен және металлургия ісінде жетіліп, кәсіпорын жұмысына белсенді қатысуын тілеймін.

Анара САУРБЕКОВА

Сенім телефоны



Қазақстан Республикасы Ішкі істер министрлігі Қылмыстық- атқару жүйесі Комитетінің «ЕЦ-166/11 Мекемесі» Республикалық мемлекеттік мекемесінде тәулік бойы сенім телефоны жұмыс істейді:

8 (71645) 7-20-85.

30 желтоқсан, бейсенбі	31 желтоқсан, жұма	1 қаңтар, сенбі	2 қаңтар, жексенбі	3 қаңтар, дүйсенбі	4 қаңтар, сейсенбі	5 қаңтар, сәрсенбі
ала бұлт	ала бұлт	ала бұлт	ала бұлт	ала бұлт	бұлтты	бұлтты
-19°C / -24°C	-14°C / -22°C	-15°C / -23°C	-10°C / -17°C	-4°C / -11°C	-1°C / -8°C	-8°C / -12°C